



Әдеби- танымдық кеш

Ә.Боранбаев атындағы кинотеатрда қазақтың көрнекті ақыны, I. Жансүгіров атындағы сыйлықтың лауреаты Кеңшілік МЫРЗАБЕКОВТЫ еске алу кеші өтті.

Кешке бұл күнде ердің жасы елуге толуына байланысты ел алдына шығармашылық есеп бере шыққан ақынның ұрпағы, Халықаралық "Алаш" әдеби сыйлығының лауреаты, танымал әдебиет сыншысы Аманкелді КЕҢШІЛІКҮЛІ құрметті қонақ болды.

Ізгілікті шара ақынның туған жері Торғайдан бастау алған. Кеш барысында ақын Кеңшілік МЫРЗАБЕКОВТЫҢ өлеңдері оқылып, Аманкелді КЕҢШІЛІКҮЛІНЫҢ "Тұрақсыз әлемнің суреткері" кітабының тұсаукесер рәсімі жасалды.

Кеңшілік АҒЫТАЙҮЛІ 1946 жылы 6 маусымда Жанкелдин

ауданы Ақшығанақ ауылында дүниеге келген. Еңбек жолын облыстық «Коммунизм таңы» (қазіргі "Қостанай таңы") газетінде әдеби қызметкер болып бастаған. "Лениншіл жас" ("Жас Алаш"), "Жаңа фильм", "Социалистік Қазақстан" ("Егемен Қазақстан"), "Қазақ әдебиеті" газеттері, "Мәдениет және тұрмыс" ("Парасат") журналында қызмет атқарған.

Кеңшілік МЫРЗАБЕКОВ 1989 жылдың 30 қаңтарында 42 жастан асқан шағында дүниеден озды. Ақын көзі тірісінде оннан астам өлеңдер мен балладалар, поэмалар, мақалалар мен очерктер, аудармалар жинағын шығарды.

Тағылымды кешті айтыскер ақын Айбек ҚАЛИЕВ жүргізді. Ел ақсақалдары Орекен АІМАТ, Жәнібек ҒАПБАСҮЛІ, Рауыл АХМЕТЖАНОВ, ақын Молда-тай ЖАПАРОВТАР естеліктерін айтып, мерейтой несіне жолы лебіздерін білдірді.



Қаламгерге ескерткіш тақта ашылды

Ел арасында «Рубин» аталатын сауда орынымен белгілі 9 қабатты тұрғын үйдегі ескерткіш тақталар тағы біреуімен толықты. Бұған дейін мұнда орналасқан, өңірімізден шыққан белгілі қаламгерлер Сейіт КЕНЖЕАХМЕТҰЛЫ мен Ахметхан БАЙЖАНДАРДЫҢ құрметіне қойылған қос тақтаның қасына тағы бір дарынды тұлға Сабыржан ШҮКІРҰЛЫНЫҢ есімі жазылды.

Белгілі журналист Сабыржан ШҮКІРҰЛЫ тұрған үйге марқұмның есімі жазылған ескерткіш тақта орнату шарасы арнайы рухани жиын ретінде өтті. Шараға қатысқан қала әкімінің орынбасары Түбекбай ӘУБӘКІРОВ : - Мақтан тұтар жерлесіміз, қабырғалы қаламгер Сабыржан ШҮКІРҰЛЫНА арналған ескерткіш тақтаның ашылуы жазушының туған күні және алдағы жылы болатын 80 жылдық мерейтойы қарсаңында жүзеге асып отыр. "Елім деген ерін — елі ұмытпайды" деген. Олай болса, артына өшпейтұғын із қалдырған асыл азаматының жарқын бейнесі халқының жүрегінде мәңгілік сақтала бермек , - деп жүрекжарды лебізін жеткізді.

Ескерткіш тақтаны Арқа-

лық қаласының құрметті азаматы, ҚР Мәдениет қайраткері Жұмағали ӨМІРБЕК пен Жанкелдин ауданы және Арқалық қаласының құрметті азаматы Кәкімжан КӘРБОЗОВ салтанатты түрде ашты. Алыс — жақынан келген ақын — жазушылар, замандастары, дос — жарандары, ағайын — туыстары, шәкірттері естеліктерімен бөлісті.

Сабыржан ШҮКІРҰЛЫ - Қазақ ұлттық университетінің журналистика факультетін, Алматы жоғары партия мектебін бітірген. Жанкелдин аудандық "Социалистік Қазақстан", "Жаңа өмір" - «Новая жизнь» газеттерінде, Комсомол мен партияда түрлі жауапты қызметтер атқарған. «Социалистік Қазақстан» газетінің Торғай облысындағы меншікті тілшісі, бөлім меңгерушісі, Бас редактордың орынбасары, «Сұхбат» және «Позиция» хабаршыларының Бас редакторы, «Ана тілі» ұлт газетінде «Тіл және этнография» бөлімінің редакторы болып нәтижелі еңбегімен танылған. «Алаш» зиялылары жайлы жазған еңбектері бір төбе.

«Қазақстан Республикасының еңбек сіңірген мәдениет қызметкері», «Қазақстан журналистер одағының», «Қазақстан жазушылар одағының мүшесі» деген атақтары бар. Ең бастысы халқының жоғын бүтіндескен қарымды қаламгер ретінде ел жадында сақталған тұлға.

«АХ»